



Headlines

- 1 समूलचे केन्द्र शासित प्रदेश जम्मू-कश्मीर च अज्ज बी मते सारे रोशनिएं दे ध्यार देआली दा पर्व धूमधाम कन्नै मना करदे न।
- प्रधानमंत्री नरेंद्र मोदी होरें आखेआ ऐ जे भारत, इक राष्ट्र इक नागरिक संहिता बक्खी बधा'रदा ऐ ते एह धर्म निरपक्ख नागरिक संहिता होग।
- भारत ते चीन दे बलें पूर्वी लद्दाख खित्ते च असल कब्जा रेखा पर गश्त लाना शुरू करी दित्ता ऐ।
- ध्यारें दी रूतै दे मद्देनज़र रेलवे आसेआ जम्मू थमां केई विशेष ध्यारी रेलगड्डियां चलाईयां जा करदिआं न। रेल टिकटें दी अगेत्री बुकिंग दी समें-सीमा गी 120एं दिनें थमां घटाइयै 60 दिने कीते जाने दे नमें नियम अज्जै थमां लागू होई गे न।
- नगरोटा थमां विधायक ते बीजेपी दे वरिष्ठ नेता देवेन्द्र सिंह राणा हुंदा 59एं ब'रें दी उम्री च काल होई गेआ ऐ। उंदा खीरी संस्कार शास्त्री नगर आहले शमशान घाट च करी दित्ता गेआ।



Diwali Jammu

समूलचे जम्मू कश्मीर च अज्ज देयाली दा ध्यार मनाया जा'रदा ऐ। सारे परोआर, दोस्त-यार ते गवांढी इक्क दुए गी मुबारकबाद दिंदे होई मेठाइयां बंडा'रदे न। एह ध्यार एकता ते खुषी गी दध्रंदा ऐ। बक्ख-बक्ख ध्यारें उप्पर जियां बाहू-प्लाजा, गांधी नगर, बनतलाब दे कोल एकजीबीषन ग्राउंड समेत होर ने थाहरें पर पटाखे लेई लोकें दा रष दिक्खेआ जा'रदा ऐ। मुखमंत्री उमर अब्दुल्ला होरें देयाली दे मौके पर जम्मू कश्मीर दे लोकें गी शुभकामनां दित्तियां न।



देयाली दे मौके पर भगवान राम हुंदे सुआगत लेई कठुआ दे रघुनाथ मंदरै च ढाई ज्हार दीये बालने दा फ़ैसला कीता गेआ। एह फ़ैसला अयोध्या च राम मंदरै दी तर्ज पर लैता गेआ। इनें दीयें गी बालने दा मकसद मुख्यै च खुषहाली ते भाई चारे दिए तंढे गी मजबूत करना ऐ। इस मौके आकाषवाणी समाचार जम्मू कन्नै गल्ल करदे होई इक श्रद्धालु नै गलाया।



Udhampur Police

इक सराहने जोग पैहलकदमी दे तैह्त्त उधमपुर दे वरिष्ठ नागरिकें दा समूह उत्थुं दे पुलस स्टेशन देयाली मनाने आस्तै जाई पुज्जा। एह समूह पुलस सैनिकें कन्नै देयाली दा ध्यार मनाने आस्तै गेआ की जे पुलस कर्मि अपनी ड्यूटी ते साढी सुरक्षा करने करी देयाली दे ध्यारे उप्पर अपने घर नेई जाई सकै। इस समूह दे सदस्येंद 1 सुआगत एसएचओ इन्स्पेक्टर सुवीर सिंह होरें ते होरने अधिकारिएं कीता। इनें वरिष्ठ नागरिकें पुलस कर्मिएं दा कनून दे आदेषें गी तोड़ चाढ़ने आस्तै ते देयाली गी उधमपुर दे लोकें लेई सुरक्षत बनाने आस्तै धन्नबाद बी कीता। इस मौके पर इनें सब्बनें इक दुए दा मुंह बी मिट्ठा करोआया ते पुलस दे अधिकारिएं उनें गी एह आष्वासन दित्ता जे ओह उंदी मदाद, करने आस्तै हर बेल्ले खड़ोते दे न। वरिष्ठ नागरिकें पुलस अधिकारिएं कन्नै अपना तर्जुबा सांझा कीता ते उनेंगी दस्सेआ जे ओह उंदी इस ध्यारै दे समें उप्पर निस्वार्थ सेवाएं लेई बड़े गै शुक्रगुजार न। सीनियर सिटीजन क्लब दे अध्यक्ष महादीप सिंह जम्वाल होरें आखेआ इस क्लब दे सदस्य नै आखेआ।



PM Civil Code

प्रधानमंत्री नरेंद्र मोदी होरें आखेआ ऐ जे भारत, इक राष्ट्र इक नागरिक संहिता बक्खी बधा'रदा ऐ ते एह धर्म निरपक्ख नागरिक संहिता होग। कल गुजरात दे केवड़िया च राष्ट्री एकता दिवस समारोह गी संबोधित करदे होई मोदी होरें आखेआ जे धर्म

निरपेक्ष नागरिक संहिता कन्नै फर्कोफर्कियां खत्म होंगन। उनें आखेआ जे इक राष्ट्र इक पंचान आधार दी सफलता स्हाड़े सब्बनें दे सामने ऐ ते एह दुनिया आस्तै बी चर्चा दा विशे ऐ। उनें आखेआ जे पैहलें भारत च बक्खरी-बक्खरी टैक्स प्रणालियां हियां पर सरकार नै इक राष्ट्र इक टैक्स प्रणाली जीएसटी लागू कीती। प्रधानमंत्री होरें आखेआ जे उंदी सरकार इक राष्ट्र इक पावर ग्रिड राहें बिजली सैक्टर गी मजबूत बना'रदी ऐ ते इक राष्ट्र इक राशन कार्ड दे जरिए गरीबें आस्तै स्हूलतां इकट्टियां कीतियां गेइयां न।

<><><><><><>

India China

भारत ते चीन दे बलें पूर्वी लद्दाख खित्ते च असल कब्जा रेखा पर गप्त शुरू करी दित्ती ऐ। हासल जानकारी मुजब भारती फौजें डेमचोक इलाके च गप्त लाना पही शुरू करी दित्ता ऐ। अप्रैल 2020 च दौनें फौजें बष्कार होई दी झड़फ दे तकरीबन साढ़े 5 ब'रें परैत एह गप्त ब्हाल होइ ऐ। एहदे अलावा डेपसाग च बी गप्त तोले गै ब्हाल होग। जंदे म्हीने फौजी ते कूटनीतिक सतहें पर होई दी गल्लबात दे बाद दौनें मुखें बष्कार इस बारे आम सैहमति बनी ऐ। देयाली दे मौके पर दौनें फौजें चुपुल मेल्लो, दौलज बेग ओल्डी, हॉट सप्रिंग, के.के.पास ते कोंगकला थाहरें पर इकट्टाए गी मटेआइयां भेंट कीतियां। डेपसाग ते डेमचके इलाके थमां फौजें गी पिछे हटाने दा कम्म जंदे म्हीने दी 22 तरीक गी शुरू होआ हा।

<><><><><><>

Omar Exams

मुख्यमंत्री उमर अब्दुल्ला होरें कल कषीर च 9मीं जमात तगर दे विद्यार्थिएं दी वार्षिक परीक्षा नवम्बर-दिसम्बर च होने दी घोशणा कीती ऐ। इस समारोह च मीडिया कन्नै गल्लबात करदे होई उनें आखेआ जे वार्षिक परीक्षा दे बदलाव दा इंतजार विद्यार्थिएं ते उंदे मां'प्यो गी बड़े समें थमां हा ते इस फैसले कन्नै उनेंगी बड़ी गै राहत मिली ऐ। उनें आखेआ जे एह फैसला 9मीं लमात तगर दे विद्यार्थिएं आस्तै लैता गेआ ऐ जे उंदी वार्षिक परीक्षा सरदिएं दी छुट्टियें थमां पैहले गै होई जाग। तोआई 10मीं, 11मीं ते 12मीं जमात लेई इससै अनुसूची चजदी रौहग ते उंदे बारे परीक्षा गी लेइयै फैसला अगले ब'रे लैता जाग। उमर अब्दुल्ला होरें आखेआ जे इस फैसले लेई संजा'लै आले जोन थमां विद्यार्थिएं ते उंदे मां-पयो घड़ी-घड़ी प्रयास करा'रदे हे। उनें शिक्षा मंत्री सकीना इत्तु हुंदा इस परीक्षा अनुसूचि गी बदलने आस्तै धन्नबाद बी कीता।

<><><><><><>

Special Trains Jammu

भारतीय रेलवे नै ध्यारें दे चलदे यात्रिएं दे रश गी दिक्खदे होई पूरे जम्मू तवी थमां खास रेल गड्डियां चलाना शुरू कीते दा ऐ। आकाशवाणी दे जम्मू संवाददाता मुजब, जम्मू तवी-हावड़ा फैस्टिवल एक्सप्रेस विशेष रेलगड्डी जेहड़ी जंदी 30 अक्टूबर गी जम्मू थमां हावड़ा लेई चली ही, ओह 4 नवम्बर गी जम्मू वापस पुज्जोग। एहदे अलावा हावड़ा थमां जम्मू तवी लेई विशेष ध्यारी रेलगड्डी अज्ज ते 6 नवम्बर गी चलोग। एह ट्रेन पठानकोट कैंट, जलंधर कैंट, चंडीगढ़, अम्बाला कैंट, सहारनपुर, लखनऊ, वाराणसी, गया, धनबाद, आसनसोल ते होरनें बड्डे स्टेशनें पर रुकोग। इससै चाल्ली श्री माता वैष्णो देवी कटड़ा थमां कामाख्या लेई विशेष रेलगड्डी 2 नवम्बर गी संझां 6 बज्जियै 40एं मिनटें पर चलोग ते द'ऊं दिनें मगरा रातीं 9 बजे कामाख्या पुज्जी जाहग। एह ट्रेन जेहड़े बड्डे स्टेशनें पर रुकोग उंदे च जम्मू तवी, पठानकोट कैंट, चंडीगढ़, गोरखपुर, मुजफ्फरपुर, कटिहार ते न्यू जलपाईगुड़ी स्टेशन शामिल न। इनें विशेष रेलगड्डिएं दा मकसद ध्यारी रूतै दरान लोकें दी सखल्लें आओजाई जकीनी बनाना ऐ।

<><><><><><>

Railway Special

भारतीय रेलवे नै ध्यारें दे दिनें च रष पौने करी रेल यात्रिएं आस्तै पूरे मुखै भरै च खास तौर पर ट्रेनां शुरू कीती दिसयां न। तां जे यात्रिएं गी कुसै बी चाल्ली दी परेषानी दा सामना नेई करना पवै। पिछले केई ब'रें थमां इस ब'रे 2800 बद्ध स्पैशल ट्रेनां शुरू कीती गेदियां न। खीरी ब'रे तकरीबन 4500 ट्रेनां ध्यारें दे दिनें शुरू कीतियां गेदियां हियां। आकाशवाणी कन्नै गल्ल करदे होई दिल्ली डिजीजन रेलवे दे मैनेजर सुखविंदर सिंह होरें गलाया ऐ जे ध्यारें दे चलदे रेल यात्रिएं आस्तै ट्रेनें च अनरक्षित कोच दी सुविधा गी बधाया गेआ ऐ। उनें एह जानकारी बी दित्ती जे इस बारी पिछले ब'रे थमां 123 नियमित ट्रेनां ब0 चला'रदियां न।

<><><><><><>

Railway Advance

रेल दिसां टिकटां अगेत्रे गै बुक करने दे नमें नियम अज्जै थमां लागू होइ गे न। रेलवे नै अगेत्रे टिकटां बुक करने दी मयाद 120एं दिनें शा घटाइयै 60 दिन करी दित्ती ऐ। उआं जंदी 31 बक्तूबर तगर कीती गेदी अगेत्री बुकिंग पर इनें नमें नियमें दा कोई असर नेई होग। रेल मंत्रालय नै आखेआ ऐ जे टिकटें दी अगेत्री बुकिंग दी समें-सीमां गी घटाइयै 60 दिन कीते जाने कन्नै टिकटें दी कालाबजारी रोकने च मदाद होंग। मंत्रालय नै आखेआ ऐ जे 61एं दिनें शा लेइयै 120एं दिनें दी अवधि लेई कीती गेदी तकरीबन 21 फीसद अगेत्री टिकट बुकिंग ीद्द कीतियां जा करदियां हियां। मंत्रालय नै आखेआ ऐ जे विदेयपी सैलानिएं लेई 365 दिनें दी अगेत्रह टिकट बुकिंग समें सीमा पर बी इनें नियमें दा बसर नेई पौग।

<><><><><><>

Rana Jammu

बीजेपी दे वरिष्ठ नेता ते नगरोटा दे विधायक ते मन्ने परमन्ने दे बपारी देवेन्द्र सिंह राणा हुंदा काल होई गेआ ऐ। ओह फरीदाबाद दे इक निजी अस्पताल च दाखल हे, जित्थें उंदा कल रातीं काल होइ गेआ। उंदी उमर 59 साल ही ते उंदे परोआर च उंदी माता, घरैआली ते त्रै बच्चें ते दऊं होर बी हैन, जिंदे चा इक केन्द्रीय मंत्रह डॉ. जितेन्द्र सिंह होर न। प्रधानमंत्री नरेन्द्र मोदी होरें ते गृहमंत्री अमित शाह होरे देवेन्द्र सिंह राणा हुंदे काल दा बसोस जाहर कीता। सोषल मीडिया दी इक पोस्ट च प्रधानमंत्री होरें आखेआ जे राणा हुंदा काल होना बड़ी गै दुखै दी गल्ल ऐ। मोदी होरें उंदी जम्मू कष्मीर दी तरक्की आस्तै कम्मकाज करने लेई सराहना कीती। ते गृहमंत्री होरें बी आखेआ जे राणा होरें म्हेषां गै जम्मू कष्मीर च शांति ते विकास बधाने लेई कम्म कीता ऐ। तौआई जम्मू कष्मीर दे उपराज्यपाल मनोज सिन्हा ते मुखमंत्री उमर अब्दुल्ला होरें बी राणा हुंदी मौती पर दुख ते बसोस जाहर कीता।

<><><><><><>

Rana Jammu Add

नगरोटा थमां विधायक देवेन्द्र सिंह राणा हुंदा खीरी संस्कार अज्ज शास्त्री नगर आहले शमशान घाट च करी दित्ता गेआ। केई राजनीतिक ते होरनें गणमान्य हस्तिएं राणा होरें गी इस मौके श्रद्धांजलि अर्पित कीती। केन्द्री मंत्री ते देवेन्द्र सिंह राणा हुंदे भ्राह् डाक्टर जीतेन्द्र सिंह होर बी राणा हुंदे नडोए च शामिल होए। उनें आखेआ जे एह उंदे परोआर लेई इक बड्डा व्यक्तिगत नुक्सान ऐ। जम्मू-कश्मीर सरकार दे मंत्री जावेद अहमद राणा हुंदे सने प्रदेश बीजेपी दे प्रधान ते होर बी केई बड्डे नेता इस मौके उत्थे मजूद हे।

<><><><><><>

Mandaviya Youth Awards

युवा मामलें ते खेडहें सरबन्धी मैहकमे दे केन्द्री मंत्री डॉ मनसुख मांडविया होरें युवाएं दा आह्वान कीता ऐ जे ओह बड़ी मती प्रतिष्ठा आहले राष्ट्री युवा पुरस्कार 2022-23 लेई आवेदन करन। एह पुरस्कार 15 थमां 29 बरें दी उम्री दे लोकें ते संगठनें गी विकास ते समाज सेवा दे बक्ख-बक्ख खेत्तरें च शानदार कम्में ते जोगदान लेई दित्ते जंदे न। इनें खेत्तरें च सेहत, मनुक्खी अधिकारें गी प्रोत्साहन, सक्रिय नागरिकता ते समुदायिक सेवा शामिल न। पुरस्कार दे रूप च जेतू गी तगमा, प्रमाण-पत्तर ते इक लक्ख रपे नगद ते संगठन दे मामले च 3 लक्ख रपे नगद दित्ते जंदे न। इक वीडियो संदेश च डॉ मांडविया होरें आखेआ जे एह पुरस्कार प्रगतिशील ते समावेशी भारत गी मजबूत बनाने च युवा नेतत्वु दा सम्मान न। 2022-23 दे राष्ट्री युवा पुरस्कारें लेई आवेदन गृह मंत्रालय दे पुरस्कार पोर्टल राहें सद्दे गे न। अज्जै थमां इस म्हीने दी 15 तरीक तगर आवेदन कीता जाई सकदा ऐ।

<><><><><><>

Minister Satish

ट्रांसपोर्ट मंत्री सतीश शर्मा होरें रेल हेड कम्प्लैक्स जम्मू दे जे.के.आर.टी.सी दफ्तर थमां कल 2 ए.सी बसें ते 1 नॉन एसी बस गी झंडी दस्सियै रवाना कीता। एह त्रौनें बसां जम्मू थमां रियासी, सुंदरबनी ते प्लावाला आहले बक्ख-बक्ख रुटें पर चला करडन। इस मौके बोलदे होई मंत्री होरें आखेआ जे सरकार प्रदेश च इक बधिया ट्रांसपोर्ट प्रणाली स्थापित करने लेई बचनबद्ध ऐ। उनें गलाया जे एह बसां लोकें लेई सफर मता अरामदेह बनांगन। मगरा मंत्री होरें जे.के.आर.टी.सी दे अधिकारिएं-कर्मचारिएं ते ट्रांसपोर्ट यूनियन दे प्रतिनिधिएं कन्नै इक बैठक लाई ते उंदे मसलें गी सुनेया। मंत्री होरें जे.के.आर.टी.सी दे कर्मचारिएं गी

जकीन दोआया जे किश हप्तें दे अंदर गै उंदे हक्कै च 20 फीसदी महंगाई भत्ता जारी करी दित्ता जाग। उनें आखेआ जे मुखमंत्री ओमर अब्दुल्ला हुंदी अगुवाई आहली सरकार उंदे जायज मसलें गी हल करने लेई बचनें बज्झी दी ऐ।

<><><><><><>

